

氏西徙攻敗之皆臣畜大夏大夏民多可百餘

萬其都曰藍市城有市販賈諸物其東南有身

毒國

徐廣曰身或作甌又作訖。索隱曰身音乾毒音篤馬孟康云即天竺也。所謂浮圖胡也。正義曰一

名身毒在月氏東南數千里俗與月氏同而卑濕暑熱其

國臨大水乘象以戰其民弱月氏脩浮圖道不殺伐遂以

成俗土有象犀璠瑁金銀鐵錫鉛西與大秦通有大秦珍

物明帝夢金人長大頂有光明以問羣臣或曰西方有神

名曰佛其形長丈六尺而黃金色帝於是遣使天竺問佛

道法遂至中國畫形像焉萬震南州志云地方三萬里佛

道所出其國王居城郭殿皆彫丈刻鏤街曲市里各有行
列左右諸大國凡十六皆共奉之以天地之中也浮屠經
云臨兒國王生隱屠太子父曰屠屠頭那母曰莫那屠屠身色
著髮如青絲乳有青色瓜赤如銅始莫那夢白象而孕及
生從母右脅出生有髮隨地能行七步又云太子生時有
二龍王夾左右吐水一龍水暖一龍水冷遂成二池今猶
一冷一暖初行七步處琉璃上有太子脚跡見在生處名
祇洹精舍在舍衛國南四里是長者須達所起又有阿輸